

寧陵縣志卷之一

天文志

天官家言人人殊寧陵屬古杞國鄭康成謂房心宋分似矣而晉天文志又謂自以五度至尾九度爲宋之分界唐志稱古宋葛商亳之地應在氏房心間計宿二十有八分度三百六十有奇下應維極維極之大不知其幾千萬里也舊志謂圍數百里分一二度得乎若寧陵方五六十里之地難分度也併難分杪也第爲攷古事應宋屬心房間不可誣也寧陵又屬宋亦不可誣也君子僅求其有據者爾